

河
漕
備
考

桐柏至泗口淮河考

諸水所經一百三十里遠近各屬早濬為憂苟無節宣下流多淤背以漲
溉不惟水有收歸田而多利矣為作桐柏至泗口淮河考

此段淮河經歷兩省所會諸水皆自河南而來沿途合流以入

于淮

少陽

雙溪

潁水

五渡溪

以上四水自河南府來入淮

淮源

賈河

澧河

灰河

以上四水自南陽府來入淮

馬蹄河

旃然河

鉄裏河

穀河

石梁河

瑪瑙河

泗

曲河

玉寨河

賈路河

五通河

汜水

潁水

鄭水

京水 索水 須水 巴河 阿谷水 伯俞河 蔡河

息民河 漆水 洧水 土盧河 隄河 潁水 渠水

楮河

以上二十八水自開封府來入淮

汴河 馬腸河

以上二水自歸德府來入淮

白河 睢水

以上二水自夏邑縣來入淮

洪河 荊河 沙河 來馬河 包河 黃西河 吳寨河

石洋河 白露河 官渡河 潢河 高陌河 寨河 營
河 泥河 谷河 閤河 五水 閤河 史河 曲河
石槽河 明河 黃土河 潞河 三灣河 九曲河 竹
竿河 澳水 濠水 汶水 鯛水 紫水 大灌水 小
灌水 金漿 澗水 潁水
以上三十八水自汝寧府來入淮
汝河 洗耳河 黃澗河 沙河 祿河 長橋河 湛水
妙水 漁水 鹿澗水
以上十水自汝州來入淮

按五府一州有名之水通共八十八道內伯俞河蔡河惠民
河三水已泝隄河即睢水褚河即潁水寔八十三道尚有河
南之房村河汜水澹河昆水三里河拐子河三家河黃泥河
燒車河月河盧家河瀧水五里河棗祇將河楊柳河淇河孔
冢河鉅鼓河濉陽河沭堰河小黃河淤坡河双輪河穆家河
馬長河春河桂河鄭家河江南之洳河絨河柳溝河小澗河
大澗河茨河泚河宋唐河狄河決水沁水泄水洱河渴河東
濠水西濠水許家河又共四十六道統而計之為一百二十九
道水皆入淮其山溪小澗之水未能悉載所以一經驟而衆

水下流惟陳蔡之間善治陂澤非獨水得所歸民田亦獲灌
溉之利若開封歸德一帶河道淤塞溝洫不通水無出路時
多旱潦之憂

泗州至清口淮河考

漕黃樞紐南北咽喉力專則黃刷勢弱則沙淤洪澤既清濁關
津高堰實淮揚保障雖非漕運所經實為河防重地為作泗州
至清口淮河考

此即禹貢東會于泗沂之路古者泗水入淮在今泗州謂之泗
口隋唐汴渠亦由之元至正二十五年河決小河口于是泗州
之泗水流絕直至乎今俱逆清河入淮然淮之故道固無改也
泗州 其城臨淮本屬旱地黃河自小河南決挾諸湖之水逶
迤而下滌泗州境不得宣洩而州城始隳浸矣蓋州城對峙

即係盱眙縣盱眙之南即天長六合多岡壘障淮水不東而反北出其勢已逆而龜山又復間阻故州治時被水淹

洪澤湖 在山陽縣西南九十里本屬小河自黃河潰決全淮壅注不得暢流入海漫衍四反遂為淮鳳間一巨浸其中尚有洪澤村寥々民居數十浮沉于洪濤之中其周圍大約有數百里西北堤曰歸仁所以障黃河淮河及鹽芝諸湖水之北來東南堤曰高堰所以障淮水之東出務使淮水全注清口以助黃刷沙使水出海

阜寧湖

泥墩湖

范家湖

三湖相接在洪澤湖北淮河西

自河決淮漲漚為一湖淮水六行其中莫能辨矣

頭道引河 爛泥淺大引河 爛泥淺小引河 裴家廠大引

河 四道並在范家湖北蓋范家湖去清口西遠積沙阻之不能冲刷新搃河疏此以導淮刷黃而不知河分為四其力已微黃水乘之倒灌諸湖汪洋大水行將胥化夷庶未可知也

翟壩 去清口一百二十里洪澤湖水有東流入寶應湖冲清

河隄岨者築此壩斷

越城周家橋 去清口九十里地勢稍亢淮水大漲方有溢出之水、消仍為平地蓋不洩淮河固有之水無碍于刷沙之

力者也故潘樞河稱為天然減水壩坡而不堤

高良澗 在淮河東岨

高家堰 在淮安城西南四十里起武家墩經小大澗至阜寧湖止相傳漢廣陵太守陳登所築明世脩之所以阻障淮水使不得東入漕渠以灌下河田地關係甚重歲久剝蝕私販鹽徒利其直達可免盤詰往、盜決之至隆慶四年大潰淮水東注下河七州縣俱被水淹而淮安城內可以行舟淮水既東黃水躡其後濁流西汴清口遂淤決水行地面宜淺不及清口之半不免停注上源而鳳陽壽泗間亦成巨浸矣明

潘總河重修本約消滴不容洩漏以全淮力 本朝靳總河
乃於堤上設滾水壩六座濶一百八十餘丈俾泄諸湖之水
入下河七州縣于是下河水沒而清口淤淤矣恭遇

聖祖閱視河工命折六堤以束淮敵黃清口復通

武家墩 近清口

王簡張福二口 在清河縣黃河南畔淮水漲時每泛此洩入
黃河致分淮水之力而清口淤淺且黃水泛漲亦能倒灌入
淮故築二堤扞之則淮無所出黃無所入而清口之力專矣
觀乎此而治淮套分淮之策豈可行乎

歸仁隄

在泗州城北長三十九里明清提河修築以捍禦黃

水睢水湖水使不得直射泗州冲高堰又束睢湖二水併注
于河以助其湍激刷沙之勢康熙七年桃源河決黃水泛溢
靳綬河乃作滾水壩于歸仁堤初意祇在疏洩漲水而不知
黃水透入睢湖諸水從之淮爾大漲以致泗州頻歲淹沒而
河流又因失助刷沙無力以致清口沙停濁流倒灌遂決高
堰而下河七州縣被灾則歸仁堤開填洩水之害也康熙三
十五年

三祖親臨閱視開歸仁引河導睢入河而淮流減漲泗城復安

清口以東淮河考

堤埝星羅棋布雲集但數里之內兩清交流四互注一有決下河為患其東以下河獨流急近年為作清河以東淮河考

此段淮河今日已為黃河所據人皆謂之黃河矣然寔淮河故道也

草灣河 黃河故道本在淮安府新城之北西橋地方東行入

海明嘉靖三十年間忽流行于草灣地方而西橋之故河塞

未幾草灣河塞大河仍行于西橋萬曆十六年大河又行于

草灣而西橋之河淤其河東流六十里至赤晏廟後南合于

正河、身索濶百許丈而清江浦則遠于河患矣

老黃河 自桃源縣三義鎮經毛家溝漁溝等處仍歸大河去

清口僅五里耳

王家營 訾家營之下鮑家營鮑家營之下王家營在清江浦
對岸此處嘗有決河北流分行入海故道此處得洩清江浦
外堤可保無患

雲梯關 在安東縣東八十里旧時黃河于此出海今關東各
套漲沙至海口一百二十里土人謂更復幾年可走上雲臺
山滄海桑田詎不信夫

礮砂 黃河中礮砂三處桃源之古城清河之曹家窪安東之
蓮華庵也每為河流之梗然去之甚難當冬春水落用釘犁

鉄鉏等鏟削終難施力宜于伏砂斷絕之處另開越河里許
引水避沙

下河 下河形勢西則漕堤南則皋泰一帶江岬北則廟灣一
帶陸地東則沙岡綿亘二百餘里自廟灣南至于丁溪四圍
俱高而興泰鹽及谷縣之田處其中故諺有如釜之喻南河
志云高宝諸湖受天長六合橫冶諸山溪澗之水平時已有
滔天之勢若放淮入湖則高宝一帶漕堤即銅之鉄難保不
崩，則運道阻而民其魚矣故下河遇靈潦之年淹沒在所
不免明隆萬間下湖積水開射陽湖以洩之不能尽又開丁

溪草堰白駒鹽城海口以洩之積水始平爰設閘座水大則
啟之以洩內水天旱則閉之以拒海潮其原來湖蕩低窪之
處仍聽存田以脩漁採故田疇歲熟而為魚米之鄉

河防一覽議支河云下河水溢當事者不探其原惟尋其委
請開興化縣之丁溪白駒二場海口鹽城縣之周祿港及踏
勘看得地勢外高內窪無從宣洩而潮水灌入填塞甚易士
民又呈稱開挑支河引入潮水一為淹沒永不堪種

范公隄起自呂四場終于徐潰接連數百里環繞三十場堤
以外俱係鹽場草蕩灶丁居住煎辦鹽課離海遠者百里近

者數十里不寺堤以內則有運鹽官河一道南抵泰州北抵
海潮內以獲鹽河計至深利至溥也其淺水入海之路有白
駒開口及牛灣河瓦龍諸港皆隨地形潮勢宣洩亦不為害

歷代河淮交會考

淮南黃北形勢不同黃濁淮清性情迥別然北者忽移而南清者忽變為濁交會之概厥有由始為作歷代河淮交會考

漢

武帝元光三年河決瓠子通於淮泗

此黃河合淮之始至元封二年復塞

宋

太宗太平興國八年河決滑州由曹濟至彭城入淮
自元封塞後至此已千餘年矣
真宗咸平三年河決鄆州入淮泗

天禧三年河決滑州東入淮

神宗熙寧十年河決滑州由南清河入淮

金

章宗明昌五年河決開封由渦河至泗州入淮 自此之後黃

河常與淮合

元

順帝至正二十五年河決小河口由清河縣入淮

至正二十六年河北徙清河口復淤

明

太祖洪武元年河自泗水入淮

洪武二十四年河決原武由潁州至正陽鎮入淮

英宗正統十三年河自滎陽由渦水至懷遠入淮

孝宗弘治七年劉大夏引河水一由中牟至潁州東入淮一由

亳州逆渦水入淮一由宿遷小河口入淮

世宗嘉靖七年河決一由滎澤經陳潁至壽州入淮一由開封

府經睢亳至懷遠入淮

嘉靖十九年河決睢州由渦河入淮

穆宗隆慶四年河決高家堰自此淮黃始合流為患于下河

神宗萬曆三年淮黃合流決壞高家堰

萬曆二十二年河決挾淮水灌泗州城

萬曆二十三年河水挾淮水由邵伯埭下芒稻河入江

萬曆三十年河決蒙牆由洪澤入淮

熹宗天啟二年河灌下河挾淮水俱由吳化五場出海

國朝

聖祖仁皇帝康熙九年河決清水潭

康熙十一年河決清水潭連年冲決下河

康熙三十五年河決灌下河七州縣

古者河淮本不相通自金以浸合而為一清河以東之淮身
胥化濁流而反客為主矣要之河與淮合河之利非淮之利
也蓋河流濁得淮之清水与之并力刷沙是河利也然河或
有時而淤則淮入海之道亦塞非惟淮無所洩凡汝潁潁肥
等水俱無從洩故于淮非利也且淮弱河強淮退縮一里河
即倒灌一里于是安同趨于海之勢而同注于漕梁再挾諸
湖共為泛濫冲堤次堰害可勝言耶

又考明初運河本不通淮糧舡俱由淮安府東北卑盤過壩
入河平江伯開清江浦運河始通于淮然初時防護其法甚

嚴自移風聞以下連建數閘連相啟閉以免倒灌止許糧船
鮮艚由此出口餘船仍令車盤過堤又申嚴閘禁每歲三月
糧船過盡即便封閉直待伏秋水發過後至九月再開放四
空糧船進口又慮河溢侵漕于是堤北河之南岸四十里以
復漕河石甃甃嘴于草灣對岸之中以復堤人慮淮漲侵漕
于是築淮東之高家堰長二十六里以復漕河磚甃涵洞於
中以復堰法甚善也日久廢弛任河淮交通以致合併為寇
則後人之咎非前人之咎也

又考黃河入淮，勢弱不敢與河抗始穿高堰泛溢于下河

併侵泗州或者不察更欲決堰以瀉淮而救泗不知高堰一決則淮水盡趨于湖入海之分数少而淮益弱矣淮弱則黃蹏其後高堰雖決安能洩淮水之漲乎蓋淮但可導之入海必不能使之由湖以入江淮南之地由高室而東則供下邳伯而南則又昂淮之不得達于江也地限之也夫淮為泗患淮即泗之寇也為泗計者宜逐之出境而誘之四出以掠內地可乎黃為淮患黃即淮之寇也為淮計者宜堅壁以待而開閘矩數使乘勝深入可乎况淮黃合縱而至上不固守之于要害下不圍洩之于尾閭而徒曰撤堰是不知割地之難

于自完而滅虢之終于取虞也

歷代河決考

黃河為患自古而然四千餘年不知幾經氾濫矣紀其歲時稽其郡邑俾治河者有所徵焉為作歷代河決考

唐

堯時洪水橫流氾濫於中國禹疏九河滄濟漯而注諸海

洪水之患莫大於河故禹治水導河之功獨多此河患之始也漯水即河之支流河渠書謂禹斷二渠以引河者此也疏九河疏二渠此後世開分水河之始

商

仲丁時河決西亳乃遷于囂

西亳今河南府偃師縣囂在今蒙澤縣西南

河亶甲時囂圮于河乃遷于相

相在今內黃縣東南

祖乙時相又圮于河乃遷于邢

邢在今懷慶縣境春秋時為邢邱

盤庚時邢又圮于河乃遷于殷

殷在今彰德府境惟蔡沈書經註謂殷即西亳

武乙時殷又圮于河乃遷于朝歌

朝歌今衛輝府淇縣

按商世五遷皆因河決其所遷都亦始終不離大河南北故受河患獨多然特國都受河患河身未嘗有遷徙也

周

定王五年黃河南徙

行於今胙城濬縣大名清河冀州景州寧津鹽山諸州縣境按黃河自西周以至戰國八百年間未有一字言其決者惟漢時王橫奏引周譜云、則周時河決惟此一次安瀾固取久也

魏襄王十五年河溢酸枣

竹書紀年云魏襄王十年十月大霖雨疾風河水溢酸枣郭

秦

始皇帝二十二年決河灌大梁

漢書王橫奏云秦攻魏決河灌其都決處遂大不可復補此
河隙之始開也

漢

文帝十二年河決酸枣東清金隄發卒塞之
金堤當即戰國時所築此塞決河之始也

武帝建元三年河溢平原

元光二年河徙東郡注渤海

禹時河入海在碣石今注渤海是又非周秦以來故道矣

元光三年春河徙頓丘夏復決瓠子注鉅野通于淮泗塞之復壞遂不塞

是時因丞相田蚡奉邑食鄒、在河北河決而南則鄒無水災邑收入多以故久不塞汎濫二十四年

元封二年塞瓠子河、復決館陶分為二渠

帝從萬里沙還自臨河上令從官皆負薪置決河遂塞瓠子

梁楚侵寧未久河復北決于館陶分為屯氏河東北流經魏郡清河信都渤海入海與大河並行大河在東屯氏河在西屯氏河又自信成縣分為張甲河東北流至脩縣入漳大河又自靈縣分支為鳴犢河東北流至脩縣入屯氏河數河並行安瀾七十二年

宣帝地節將郭昌穿東郡界中直渠河流通利此開直河以治水之始也

元帝永光五年河決清河靈縣鳴犢河屯氏河絕鳴犢河因亦不利張甲河自入漳水

黃河祇行館陶東出至高唐平原漵北棣濱一道

成帝建始四年河決東郡金堤灌四郡三十一縣

先是清河都尉馮遂奏請復疏屯氏河及郭昌所穿直渠不
果行河尋決

河平元年使王延世塞決河

河平三年河決平原流入濟南千乘泛濫六月王延世復塞之
鴻嘉四年信都清河渤海河水溢灌縣邑三十一孫禁請於平
原界開爲馬河以分水勢不果行決口亦竟不塞

按黃河在漢世凡決九次多在兗冀之境而東郡為甚據賈

謀之矣東郡民傍河為居立石堤東水百餘里間至再西三東迫阨如此河安得寧由此觀之河決之患難由天命未始非人事之失宜也

新

新莽三年河決魏郡泛清河以東不塞遂為常道河汴混流

史言新莽時黃河決微能治河者以百數言人、殊而莽但崇空語無施行者以故河久不塞任其流行遂為常道行于今濟清清豐朝寧華縣東昌高唐平原武定濱州之界係古時泲水故道竟數百年河流安靖不更遷移豈新莽之疎防

反勝於諸臣之穿鑿歟

東漢

明帝永平十一年四月遣王景修汴梁堤自蒙陽至千乘

汴渠即狼蕩渠又名陰溝水係北濟故道西漢末濟水不復
絕河南出其出於河竟是濁流故不名濟而名汴

永平十四年四月汴梁成河汴分疏

自此河行漯水故道汴行北濟故道

順帝陽嘉中築汴渠金陵

鄴道元水經注順帝陽嘉中自汴河口以東緣河積石為堰

通雅曰金隄此南清河即古汲水陰溝水故道隋唐汴渠由之

靈帝建寧中築汴渠石門以遏河流

是以汴渠謂之石門渠

元和六年金城河溢

關輔以西河不常決上下三千年誌河決者祇此一書而已

晉

懷宗永嘉三年夏旱河水竭入可涉

按六朝時河行漯水故道下流并行于大清河

隋

煬帝大業元年導河自滎澤入汴以通淮泗

此即漢順帝通淮之汴渠自此為唐宋江淮運道

大業四年穿永濟渠引河水入御河北通涿郡

河水通御河惟在此時其他不聞也元初江淮漕米運至中
灤便登陸行旱路一百八十里始自淇門上船由御河至燕
京可知後世此路不通但未知淤在何時耳

大業七年底柱山崩河水逆流數十里

唐

武后聖曆十六年河溢漂千餘家

元宗開元十年河決博州

朱子綱目自新莽三年書河決後歷六百四十九年始再書
河決安瀾之久無如此者

開元十四年河溢魏州

開元十五年河溢冀州

代宗廣德二年劉晏濬汴水以通漕運

憲宗元和八年振武河溢毀東受降城冬發卒鑿黎陽古河以

紓滑州水患

昭宗乾寧三年河溢毀滑州城朱全忠決為二河夾城而東為害滋甚

有唐二百八十九年書河決一而已餘皆書溢、者河道無遷改也

後梁

均王貞明四年決河以限晉兵不復塞河遂常決為曹濮患河禁盜決盜決且不可况自決以開河隙終綱目書決河三秦灌大梁決處遂大基孝文酸枣之決梁世西決遂為晉周河患河隙之不可開如此

後唐

莊宗同光二年塞決河未幾復壞

後晉

高祖天福三年河決鄆州

天福四年河決博州

天福六年河決滑州漂溺充牣諸州

此決河之南岸也

出帝開運元年河決滑州灌卞曹單濟之境環梁山合于汶發
民塞之

此決河之南岬也

開運三年河決楊劉西入莘縣廣四十里自朝城北流

此決河之北岸也楊劉鎮屬鄆州東為東河西為濮州德勝寨臨河北去頓邱二百里蓋五代前汭河在頓邱北東至博州五代時河屢決南徙河在頓邱德勝城南矣

後漢

高祖乾祐元年河決魚池

此決河之南岸也魚池屬滑州宋史河渠志滑州有魚池埽
乾祐三年河決鄭州

考歐陽修五代史河決原武，屬鄭州亦南決也

周

太祖廣順二年河決鄭滑自楊劉至博州分為二派匯為大澤
又東北灌齊棣淄諸州遣使塞之

顯德元年李穀塞張秋決河治堤自楊穀抵張秋口以遏之
決河不復故道離而為赤河，故道在博州東出茲不復流
行也

顯德五年河決原武發卒塞之

經自千三百年書河決十六五代自晉至周二十二年書河

決者九河自此多事史不絕書矣

宋

太祖乾德二年議復舊河不果赤河俄決于東平水淹七州

宋初河由汴濟清澶濮鄆齊棣瀋諸州境東入海即赤水道也

乾德三年河決陽武及澶鄆

考五代前澶州治頓邱在河北晉天福中徙治德勝南城在河南自頓邱東去二百里北澶州德勝南城也鄆州今東平州

乾德四年八月河決滑州壞靈河縣大堤

是歲詔開封大名鄆澶滑孟濮齊淄滄棣濱德博懷衛鄭諸
州長史並兼本州河堤使蓋此諸州皆宋時河所經也

開寶四年河決澶州泛數州

開寶五年河大決濮陽又決陽武曹翰塞之

太宗太平興國二年河決溫縣又決滎澤又決頓邱皆發民塞
之

太平興國三年河決滑州靈河縣塞之復決

太平興國七年河大漲感清河凌鄆州城幾陷

此南決也

太平興國八年五月河大決滑州之韓村泛澶濮曹濟諸州民一
田廬舍東南流至彭城界入於淮

此決河之南岍也時議謂治遙隄不如分水勢于滑澶二州
之地立分水之制不報河尋塞

太平興國九年春河決滑州房村

此河南決也

淳化四年十月河決澶州陷北城詔發卒治之

澶州北城即德勝北城是歲巡河供奉官梁睿上言滑州土

脉疏岬善漬每歲河決南岬害民田請于迎陽鑿渠引水凡四十里至黎陽合大河以防暴漲復鑿韓村至州西鉄狗廣凡十五里復合于大河以分水勢此作月河之始也

真宗咸平三年五月河決鄆州浮鉅野入淮泗徙鄆州城先是赤河決壅濟泗鄆州城中常苦水患至是稍濬弥甚乃徙州城于東南十五里陽鄉之高原此徙城避水之始也

景德元年九月河決澶州橫龍埽

河自此別出為橫隴河行于齊棣濱三州之境由大清河入海所謂橫隴故道与前赤河分道流行自周顯德初河行赤

河至此五十四年

景德四年河決壞澧州王公埽

大中祥符三年十月白浮園村河水決溢

大中祥符四年遣使於滑州西所開減水河九月河決棣州

家口

河自此泛溢于山東之北境首尾凡四年

大中祥符五年河決棣州東南李民灣

大中祥符七年河決澧州大吳埽

大中祥符八年徙棣州城

陳充佐議開清州小河以分水勢按此即前梁肅之故智也
天禧三年河決清州西北天臺山歷漫漢曹鄴注梁山泊合清
水古汴梁東入于淮泛濫九閱月而塞

此河南決也

天禧四年六月河復決天臺下走衛南浮徐濟

此河南決也知州陳充佐並旧河開枝流以分殺水勢

仁宗天聖五年始塞天臺決河、隨決清州南之龍門埽十二

月濬魚池埽減水河

此河南決也自景德元年橫隴河与赤河分道流行至此二

十四年

天聖六年八月河決澶州王楚埽河臣請疏鄆濮界之康邱河以分水勢

此時既有赤河又有橫隴故道又有康邱河又有王楚埽分流之河蓋非一道

明道二年從朝城縣廢鄆州之王橋渡淄州之臨河鎮以避水據此則宋河下流直泛濫過小清河矣

景祐元年七月河決澶州橫隴埽十餘年水不為患水流就下順其性故也

慶曆元年議開分水河以殺河暴未興工而河流自分

慶曆三四年橫隴河海口淤游赤金三河相次又淤

慶曆八年六月河決商胡埽

商胡埽屬澶州河北決也自天聖六年四河並行至此十九年

歐陽修云河本泥沙無不淤之理淤常先下流下流淤高水行漸壅乃決上流之低處此勢之常也

皇祐元年商胡決河自滑澶館陶合永濟渠通恩冀東達河間至乾寧軍東入海

此所謂北流之河也橫隴故道自此斷流矣

皇祐二年河復決館陶之郭固

皇祐四年塞郭固決河臣請開六塔河以分殺水勢

六塔河自館陶南分支經博州至平原界入橫隴下流時河
臣欲借六塔河以回河於橫隴故道也歐陽修云橫隴湮塞
已二十餘年南湖決又數歲故道已平而難鑿安流已久而
難回此其必不可也

嘉祐元年四月塞南湖北流挽河入六塔河是夕復決
時歐陽修再疏請止不聽卒挽之六塔河身小不能容是夕

復決漂溺兵夫芻蕘不可勝計

自慶曆八年河決商胡祇行一道至此八年

嘉祐五年議濬二股河

河流派別于魏之第六埽曰二股河二股河行一百三十里至魏恩博德之境曰四界首河韓贊言四界首古河所經浚之以支分河流入金赤河商胡決河自魏至恩莫乾寧入海二股河自魏恩東至德滄入海分而為二則上流不壅可以無決溢之患二股河時謂東流

嘉祐七年河決大名第五埽

英宗治平元年始命浚二股五股河以紓恩冀之患

神宗熙寧元年河溢恩州又決冀州枣強埽北注瀛七月又溢
樂壽占御河胡盧河道為恩冀深瀛之患

熙寧二年濬二股閉斷高胡北流河隨決許家溝汎溢大名恩
德滄永靜五州軍境

先是司馬光上言極諫不聽塞之尋決

熙寧四年七月河決大名漂溺館陶永濟清陽以北八月河溢
澶州曹村十月河溢衛州王供泛恩冀貫御河奔衝為一詔
復修二股河

熙寧五年四月二股河通決口塞六月河溢大名夏津

可見開二股河之無用神宗常語執政河決不通占一河之地或東或西若利害無所校聽其所趨如何又云歐陽修嘗謂開河如放火不開始失火與其勞人不如勿開

熙寧十年七月河溢衛懷滑澶諸州北流斷絕河道南徙東匯於梁山張澤灤分為二派一合南清河入淮一合北清河入海凡淮郡邑四十五濮齊鄆徐水患尤甚八月河又決鄭州

滎澤

自嘉祐元年挽河不成其後屢塞屢決河仍北流凡二十一

年南徙又一年

元豐元年四月決口塞河復北流河臣自此多言復禹旧迹

元豐三年七月河決澶州

元豐四年四月河決澶州小吳埽自澶注御河泛恩州入界河
行流

元豐五年六月河溢内黄八月河決原武九月河溢滄州南皮
及永靜軍

元豐六年范子淵開河欲復禹蹟功用不成

元豐七年河溢元城

大抵熙寧初專欲導東流塞北流元豐以後因河決而北議者又欲復禹故蹟神宗愛惜民力思順水性不許也

元豐八年河決大名河北諸郡皆被水災諸河臣又請回河東流

是時河流難北而大名之孫村低下夏秋霖雨漲水往東出小吳之決既未塞又決大名之小張口河北被水知澶州王令圖建議濬迎陽旧河又于孫村金隄置約復故道于是回河東流之議起

哲宗元祐元年河決滄州諸河臣請開孫村口減水河

相度河北水事張問奏言臣至滑州決口相視迎陽埽至大
小吳水勢低下舊河淤塞故道難復請於南樂大名埽開直
河并簽河分別水勢入孫村口以解北京向下水患於是咸
水河之議復起

元祐二年河決南宮下埽

元祐三年河決南宮上埽

元祐四年河決宗城中埽

元祐五年罷修河役

元祐七年大河東流

趙偁言田河三年功費騷動半天下後為分水又四年矣所謂分水者曰河流相地勢導而分之今乃橫截河流置埽約以扼之開濟河門徒為淵潭其狀可見况故道千里其間又有高處故累歲漲落輒復自斷

元祐八年河臣請塞北流水道壅潰南犯德清軍西決內黃東淤梁村北出闕村宗城決口復行魏店北流遂斷河水四出壞東郡浮梁河臣力請挽河東流

先是河臣請作軟壩蘇轍奏言東流奉人力所開濶止百餘步冬月河流斷絕故軟壩可為今北流是大河正溜比之東

流何止數倍見今河水行流軟堤何由得至此水官之意欲以軟堤為名寔作硬堤為田河之計耳趙儼又奏言河自橫隴六塔商胡小吳百年之間皆從西決蓋河徙之常勢而有司置婦創約橫截河流田河不成因為分水近決南宮再決宗城三決內黃亦皆西決則地勢西下可見今欲弭息河患而逆地勢戾水性未見其可也俱不聽自元豐元年河漲北流至此十六年

紹聖元年閉斷北流田河向東行故道
元符二年六月河決內黃東流斷河仍北流

行於深州武強河間樂壽諸州之境正回河諸臣之罪也

元符三年河決蘇村

蘇村埽屬通利軍河北泛也

徽宗崇寧三年開深冀直河以殺水勢

大觀二年河決壞鉅鹿城并遷隆平縣城又溢冀州壞信都南

宮二縣

政和五年作滑州三山浮橋決水漂民為害十月河決東強
宣和三年六月河溢冀州信都十一月河決清河、水壞滑州
三山浮橋漂沒軍民無算

河患北宋最甚仁宗以後裁於無幾不決多緣諸臣私智穿鑿欲立奇功以邀厚賞不顧地勢不念民力不惜國用始建回河之議終進分水之策往々朝奏績而夕漂溺紛々擾々迄無成功由不能順其就下之性以導之故也

金

南宋建都臨安金河屬金境河由大名濟州觀州恩州景州滄州清州東出至柳口入海

金世宗大定六年六月河決李固渡水入曹州

自元符二年黃河北流至此六十七年

大定十一年河決王村南京孟衛等州界多被其害

大定十七年河決白溝

大定二十年河決衛州及延津京東埽弥漫至埽德府

大定二十六年河壞衛州城徙衛州昨城縣

范成大北使記云是時河行在滑州南滑州故城已淪于河

大定二十七年河溢衛懷孟鄭四州塞河勞役免一年差稅

大定二十九年河溢曹州小堤之北

章宗明昌五年河決陽武隄封邱而東又自開封決入汴河
是時南北交爭治河方畧必不如前宗之專然河患反稀矣

章宗時河自衛州東南流逕考城曹縣南歷徐邳入海梁山漂淤自此以浚黃河不流過御河為患莫深流患

此即今河由汴至邳之道也河自漢武帝元光三年秋子之決始通淮泗流行二十四年復塞隔一千餘年宋太宗太平興國八年河決滑州再由曹濟至彭城入淮真宗咸平三年又自鄆州入淮泗真宗天禧三年又自滑州東入淮神宗熙寧十年又自滑州南決入淮如是而已獨至此一決河竟以淮為歸宿永為曹單徐邳之患河事一大變也氣數使然豈人為之哉

泰和四年徐邳河清

哀宗天興元年決河以限蒙古

金末河決開封入汭河以合淮

先是河決曹州，州刺史言當決大河使北流，德博觀滄之境，故堤猶在，工役不勞，水就下，必無漂溺之患。至是復決，此黃河由汭入淮之始也。

元

世祖至元九年七月河決新鄉

至元十三年河決河南漂郛縣十五役民二十餘萬塞之

至元十七年遣使窮河源

自唐以前俱以鹽澤西之西河為河源西河與黃河不相連
則以為伏流蓋臆說也至唐時劉元鼎奉使吐蕃歸述梗概
与杜佑所說皆言之而不詳至此始命都實往窮河源自桑
甘思至積石詳見黃河考

至元二十三年河決開封祥符陳留杞太康通許鄆陵扶溝洧
川尉氏陽武延津中牟原武睢州凡十五處調民夫二十餘
萬分築隄防

至元二十五年河復決開封太康通許杞三縣陳穎二州皆被

其害

至元二十六年開會通河

先是元運道自濟寧分汶水西北流至東平州安民山人清
濟故瀆經東阿由利津出海轉從海道進直沽口子至京後
利津河淤罷東平河運至是以壽張縣尹韓仲暉等言開河
通運起鄆城安山渠由壽張東昌又西北至臨清引汶水以
達御河凡二百五十里謂之會通河從古治河但欲除害並
不慮及漕運自元都燕轉江淮粟實京師歲數百萬於是為
河計者必更為漕計而治河益多掣肘矣此亦古今一大變也

至元二十九年開通惠河

成宗元貞元年河決杞縣蒲口北流泛河北山東諸郡縣塞之

復決

命廉訪使尚文相度決河形勢文言自陳留抵睢南岨高于北岸八九尺水流趨北塞之未便為今之計河西郡縣直順水性遠築長堤以禦汎濫歸德徐邳民避冲潰聽徙安便被患之家量于河南退灘地內給付頃畝以為永業異時河決他所亡如之亦一時救患之良策也不徙塞之蒲口復決

元貞二年河決蒲口漂歸德屬縣河流北行故道

大德十年發河南民築河防

武宗至大二年河決歸德又決封邱

仁宗皇慶二年河決陳毫睢州及陳留諸縣

延祐七年七月河決開封縣蘇村

泰定帝泰定二年五月河溢汴梁七月河決陽武

泰定三年脩夏津陽武河堤

文宗至順元年六月河決曹州新旧三堤一時並壞

順帝至正元年河決封邱

至正四年河決曹州又決汴梁又決白茆堤曹濮濟兗皆被水

惠河遂行於其間謂之北河

自此北河通南流並微南河即金元向來自汴至邵之河北
河奔濟水故道漢王景所治之汴渠也通沙灣下流合大清
河

至正五年河決濟陰漂官民廬舍殆盡

至正九年河決白茅堤東注沛縣遂成巨浸

至正十一年賈魯塞北河開南河復故道

先是河決集議賈魯謂必塞北河疏南河使復故道役不大
興害不能已從之自黃陵岡南達白茅放於黃岡哈只等口

又自黃陵西至楊清村合于故道凡二百八十里五閱月河
成復故道時稱賈魯河自成宗元貞元年南北兩河並行凡
五十六年至是始行于賈魯所開一河

至正二十五年河決小河口由清河入淮

河入淮處向在泗口至是忽改由清口入淮自明至今四百
餘年皆由此道非徒桃宿之間自此多事而淮安清江浦黃
淮漕三大河交通互注防禦為難矣

至正二十六年二月黃河復北徙自東明曹濮下及濟寧皆被
水患清河又淤

自賈魯開河後僅十五年河仍北徙可見尚文北岸低于南
岸河流樂於趨北之言不謬賈魯之役猶為未識水性也南
河至是又淤故清河口塞

明

太祖洪武元年河決曹州從雙河口入魚臺徐還遂引決水由
塌場入泗以濟運

明初河即元北河及賈魯河二道此決北河之南岸也以後
大河由汴城北東經虞城下達濟寧入泗

洪武二十二年河決鳳池運夏邑永城

洪武二十四年河決原武東南流逕開封陳州至項城沒由潁
州至正陽鎮入淮

河在開封府北本去城四十里水東流至此南迂三十五里
去城僅五里又南流入淮于是汴北四十里東出之河及賈
魯河皆淤又因建都江左江淮之粟不沒入燕於是會通河
止淤自洪武元年兩河並行至此二十三年

成祖永樂九年濬會通河侍郎金純自金龍口引河水下達塌
場口經二洪商入淮濬運

此即汴北東出之淤河濬之以通運自洪武二十四年河行

新道不由之洪凡一十八年至此仍出二洪兩河並行

永樂十二年陳瑄鑿徐呂二洪以通漕運更於洪口置閘

按二洪為令大河流行之路束于山峽至不通舟楫煩鑿鑿而後行又可以置閘則其路之淺澀狹隘可知半天下之水萬里奔趨扼之以一綫之咽喉欲其不潰而他洩也難矣南渡以後河流常決殆以是歟

英宗正統十三年河決滎陽東過開封府城西南經陳留自亳州入渦河又經蒙城至懷遠入淮汴北五里之新河汴汴城在河北尋決曾濮冲張秋奪汶濟故道會通又淤

此河南北皆決也河自永樂八年兩河並行三十八年至是
又改

正統十四年決口不塞河由大清河入海

河此時併不行于懷遠入淮之河汎濫專在齊鄆

景帝景泰三年河決沙灣

河患專在齊鄆間阻塞運道

景泰四年冬遣徐有貞治決河

景泰七年四月沙灣決河塞疏廣濟渠引河沁之水由澧濮范
壽張運張秋北出濟漕又分流自蘭陽東至徐州以入漕河

此即滎陽決河由開封城北經曹濮以至沙灣者但有貞不用塞而用疏先疏上流水勢平乃治決止乃濟淤治之果效是後黃水七分入北三分由二洪入淮

英宗天順六年河決開封城北門

憲宗成化四年鑿徐州洪

徐州洪在徐州城北洪形象川字有三道曰中洪外洪裡洪呂梁洪在徐州城東南六十里有二道曰上洪下洪相距七里皆險要也是時河出張秋故得鑿洪濟運

孝宗宏治一年五月河決開封入淮復決黃陵岡入泗汴南之

新河又淤

宏治三年四月河決原武分為三派一自封邱縣金龍口漫祥符長垣下曾濮冲張秋長堤一自中牟下尉氏一泛蘭陽儀封考城歸德以至宿州皆弥漫四出不循故道此河南北並決也

宏治四年遣白昂治決河

先是河決議者欲遷河南行省以避水害不果行乃遣侍郎白昂往治為築陽武長堤以防張秋引中牟之決入於淮浚宿州古睢河以達于泗由是河入汴、入睢、入泗、入淮

以達於海又自魚臺歷德州至吳橋修古河堤又自東平至
吳濟鑿小河十二道引水入大清河及古黃河以入海水患
安寧

宏治五年河決冲張秋

時河溢汴梁之東蘭陽鄆城諸縣皆被其害沒決楊家金龍
等口東注潰黃陵岡下張秋堤入漕河此決河北岍也

宏治六年遣劉大夏治張秋決河

宏治七年二月河復決張秋由東阿旧鹽河入海劉大夏治之
而寧

大夏開孫家渡新河引河水由中牟至潁州東入淮又沒祥
符四府營淤河由陳留至歸德分爲二派一由宿遷小河口
一由亳州渦河入淮又於黃陵岡南濬貫魯河四十里由曹
縣出徐州又築長堤起昨城經清縣長垣東明曹單至徐州
即今太行堤改清河口河道由宿遷小河口入淮已又改由
徐州小浮橋入淮而河又安寧自此大河分四股流行

宏治九年河決考城冲曹縣梁靖口

宏治十一年河決曹單以東皆巨漫阻礙漕運

武宗正德四年河決曹縣楊家口趨沛縣之飛雲橋入運

正德七年曹單河寧黃水盡入二洪

自宏治七年大河分流後凡二十三年復合為一

正德八年河漫決曹縣從曹縣城北東行曹單城武諸處盡皆
漂沒

世宗嘉靖五年二月河溢壞曹縣城徙治華山以避河患

嘉靖六年河決曹單城武楊家口梁靖口吳士舉莊冲雞鳴臺
嘉靖七年河決淤廟道口運河三十餘里沛北為田浸東溢灌

昭陽湖阻運道盛應期奏開趙皮寨白河一帶分殺水勢

嘉靖八年飛雲橋水北徙魚臺穀亭舟行腴面

嘉靖九年河決單縣塌場口冲穀亭水傳三年不去

嘉靖十三年河決趙皮寨向亳泗又由梁靖口奔金河口東出穀亭之流絕運河淤二洪涸秋冬又忽自夏邑縣攻開數口轉向東北流經蕭縣之南仍出徐州小浮橋下濟二洪趙皮寨之流又塞河勢南趨

按此出小浮橋之河即所謂老黃河也其河自新集流經潘家口丁家道口馬收集韓家道口司家道口牛黃垸趙家園至蕭縣薊門東出徐州小浮橋岥濶底深水勢安流常時謂之銅邪缺底河行其間既於運道無虞亦于民田無害以故

商賈通行民稱便利

嘉靖十九年河決睢州野難岡由渦河入淮孫繼口出徐之流
淤二洪大渦河臣王以旂開李景高口支河一道引水出徐
州濟二洪漕道河益南趨

嘉靖二十年鑿平徐州洪

是年二洪淺阻糧運不通議復海運

嘉靖二十一年李景高口支河復淤

開浚僅二年自此河仍專行於新集老河故道但淤淺不如
前矣

嘉靖二十三年鑿平呂梁洪

嘉靖二十六年河決曹縣街穀亭河臣詹瀚治之堤成運道通

此河北決也

嘉靖三十年淮黃北出由草灣至赤婁廟沒歸大河在南面橋
一帶六十里故道淤又決徐州磨臍溝大河遂奪

嘉靖三十二年河決房村至曲頭集淤四十里河臣曹鈞塞之
此河南決也草灣河是年始通

嘉靖三十七年新集老黃河淤凡淤二百五十餘里河北復行
於濁河

新集河淤二百五十餘里皆為陸地河趨東北段家口分為六股為大溜溝小溜溝秦溝濁河胭脂溝飛雲橋俱沒運河至徐又分一股從碭山堅城集下郭貫樓又分五小股為龍溝母河梁樓溝楊氏溝胡居溝亦由小浮橋入洪共十一股俱會於徐州徐州二洪目以不涸三十八年至四十三年河俱行此數溝然分多則水力弱水力弱淤之漸也

嘉靖四十四年十一派之河淤遂決豐縣之華山水出飛雲橋分十三股入運河至胡陵城口漫入昭陽湖泛濫而東河勢浩渺河臣朱衡請開夏鎮新河自由城至南陽一百四十里

水始南趨秦溝沛流斷

夏鎮新河在昭陽湖東嘉靖七年河臣盛應期堂發民夫開濬中止至是潘季馴尋應期所開道復鑿之八閱月而河成嘉靖四十五年河決沛縣冲運河淮河海口漸淤

此決河北岸也

穆宗隆慶元年正月河南冲濁河雞爪溝入洪

河自此行于新集北虞城北單縣南碭山北華山南由秦溝入二洪所謂中路濁河也然河南北尚有支河未盡合一也隆慶二年河南北諸支河悉并流於秦溝

于是諸河合一尽由秦溝入二洪矣

隆慶三年河大漲徐州上下悉為巨浸山東莒郯諸處水溢浸沂河直河灌入邳州河臣請鑿鴻溝廢渠以洩之

諸河合流入二洪二洪不能容病在下流故漲溢山東諸泉復灌邳州病在上流故開河洩之鴻溝廢渠在新河西昭陽東沙薛二水由此入運

隆慶四年高堰潰決九月河決邳州自睢寧至宿遷小河口淤一百八十餘里復試海運

河患自此多在徐沛邳

隆慶五年河決雙溝分十一派枝流散漫幹河淤塞乃淤鉤頭
灣八十里河臣潘季馴治之而通

先是河溢徐州茶城至呂梁兩崖為山所束不得下又不得
決至是乃由雙溝而下北決油房口曹家口青羊口南決關
家口曲頭集口馬家淺口關家口張樞渡口王家口房家口
白糧淺口凡十一派枝河散漫幹河遂淤乃塞鉤頭灣八十
里潘季馴為濬鉤頭灣一溝導十一派之水併行其中於是
溝大通利故道漸復鉤頭灣在邳州東二十里河故道即由
新集至小浮橋老黃河道

隆慶六年春河決邳州水行符離靈璧運道阻尚書朱衡為築
茶城至宿遷河南北兩堤長三百七十里東水濟運、道通
神宗萬曆元年河決房村河臣請築沛縣窪子頭至秦溝口堤
七十里接古遙堤又於新堤外別築遙堤而河患寧是年停
海運

萬曆二年河決邳州

萬曆三年河逆雀鎮寺口北決淮水從高家堰東決徐沛以下
至淮南北漂沒千里黃淮合流為患下河七州縣
此河水由高家堰為患下河之始也高家堰在淮安府城西

六十里淮河南岨漢廣陵守陳登所築以防淮水南決者也
是時淮水獨流入海尚虞泛漲況今黃淮交會漕河北出三
路大河正當其地苟一疎防不惟淮水南浸而黃河亦逼之
而倒灌于下河矣其地又多卑窪流連不去害可勝言哉前
此未嘗決也至此而決河隙一開遂為下河七州縣大患

萬歷四年河決魯家口泛曾單金魚諸邑

萬歷五年築清江浦以禦淮黃合流為患是年海口淤議設水
官專濟海道

清江浦雖濱河前此未嘗決自高堰決清口淤黃淮始為患

淮安城堞如在釜底惟恃一線土堤禦西大河滔天之勢清江浦始為重地至是築堤為郡城計

萬曆六年河臣潘季馴築高家堰堤三十里柳浦灣束隄三十里西隄四十里築徐睢邳宿桃清兩峴遙堤使黃淮兩河各行其道不致外決築碭山豐縣兩大壩約束河水不得北徙又築徐沛豐碭樓隄一百四十餘里築歸仁堤四十里於是淮水旱趨清口會河入海、口不濬自通

萬曆十三年河決萬家口灌淮城

萬曆十四年河決灌淮安府城

自萬曆三年河決高堰後至是十一年河患多在淮安府境
萬曆十五年河決劉獸匡口等堤十餘處河南徙決口尋塞加
築遙堤

萬曆十六年河仍行州灣故河復淤

萬曆十七年河決金龍口入長垣東明二縣又決雙溝單家口
又決李景高口入睢陳故道尋塞之

萬曆十九年復築河上遙堤沁河決蓮花口水浸獲嘉新鄉一
帶尋塞之

萬曆二十一年五月河決單縣之黃岡分為二派一由徐州出

小浮橋一由舊河達鎮口聞尋塞之

以上四次河決俱用築塞

萬曆二十二年六月黃河大漲清口沙壅阻道淮水不得東下於是挾上源阜陵諸湖與山溪之水浸灌泗州城月河水挾淮水倒灌高郵

泗州瀕淮而近洪澤白洋諸河又復環繞其間勢最危險以有陵寢故備禦尤嚴至是被浸嗣後州城每在波濤中矣高郵城東西皆湖清水潭尤極低窪為下河七州縣受水門戶至是被浸亦從來所無也

萬曆二十三年河水挾淮水由邵伯埭下芒稻河入江

江淮從古不通自吳開邗溝始通舟楫而河淮之漲水從未
由江以達海也此時淮受決河而注於江是即黃河入江之
始矣履霜堅冰至可不慮哉

萬曆二十四年開桃源縣北黃壩新河分洩黃水入海疏淮河
南嶂諸湖以分洩淮水黃淮安流而水患寧

萬曆二十五年河大決單縣之黃堙口溢於河南之夏邑永城
界經宿州之符離橋出宿遷新河口入大河半由徐州入舊
河而二洪涸河臣議開李吉口河以挽黃流河成尋淤乃建

六開于河中節宣山東汶泗之水聊以濟運

黃堽口賈魯旧河所經廢河由此南流轉東經符離橋出宿遷去秦溝之故道遠甚其行于二洪者無幾故泗李吉口在黃堽東大河北岸從此開河欲挽黃流東出濟運乃河成而復淤二洪終無水也故建開河中節宣汶泗諸泉聊以濟運一時权宜之策非經久之計也

萬曆二十六年議開趙渠

萬曆二十九年河決蕭家口全河南徙
即半入徐州之水亦并歸決河故云全河南徙由韓家道至

趙家園一百餘里冲刷成河即賈魯河故道

萬曆三十年河決蒙牆灌商邱永城下流由洪澤入淮

商邱永城即二十五年決河所過但是時決河下流仍徙清
河入淮此由洪澤其入淮處上復不全耳

萬曆三十一年河決單縣之蘇庄冲沛縣大行隄灌昭陽湖入

夏鎮橫冲運道

此河北決也先是河臣魯如春開王家口以挽河流決河廣
八十餘丈新河僅三十丈狹不能容一夕水漲河遂大決

萬曆三十二年河臣李化龍開泗河二百六十餘里以避黃險

秋河決蘇庄淹豐沛灌濟寧單縣魚臺為甚九月開分水河
泃河之議始自隆慶時後屢請濬治輒中止至是李化龍復
請開之其言曰河自開封歸德而下其路有三由蘭陽出茶
城向徐邳名濁河為中路由曹單豐沛出飛雲橋向徐溝名
銀河為北路由潘家口入宿遷出小河口名符離河為南路
惟中路為宜因開泃河中有邳山鑿而成渠自此二洪雖涸
不虞其阻運矣

萬曆三十三年呂梁河決河臣議疏朱旺以東河道
朱旺口在碭山縣北蓋由蘇庄至秦溝現行之河至是又淤

乃議開濬導水濟運

萬歷三十四年朱旺河成自朱旺口由堅城集出徐州小浮橋一百七十里河端故道

萬歷三十九年六月河決徐州狼矢溝尋塞之

此決河北岸也

萬歷四十年河決徐州之三山水灌睢寧寺處出白洋小河口仍入黃河尋塞

此決河南岸也

萬歷四十一年河決靈壁之陳鋪至冬復故

萬歷四十四年五月河決決狼矢溝水由蛤蟆周柳等湖入海
河出直口復與河會

此河北決梗新開運道也

萬歷四十六年決口自淤河復故道八月河決開封之陶家店
張家灣水由陳留諸處入亳州渦河尋復故道

萬歷四十七年九月河決開封之牌沙堰水由封邱曹單至考
城仍入旧河臣王佐塞之

熹宗天啟元年河決靈壁之双溝黃鋪水由永姬湖出白洋小
河口仍與河會故道埋洄又淮黃並漲淮安府裡外河皆決

漚成巨漫

天啟二年河灌下河挾淮水俱由興化五場出海

天啟三年河決徐州徐邳靈睢諸州縣黃河並淤上下一百五十餘里盡為平陸

天啟四年河臣治徐州決河尋塞之河復故七月淮安外河復決

天啟六年河臣李廷心開陳溝路為湖新河

懷宗崇禎六年運河淺阻

崇禎八年河臣劉榮嗣引河注運、通孟阻

孫承澤河紀云時駱馬湖潰決沁河運道中阻榮嗣創挽河之議起宿遷至徐州別鑿新河分黃水注其中以通漕運無如邳州上下悉黃河故道濬之尺許其下皆沙每挑掘成河經宿沙落河坎復平如此者數四迨引黃水入其中波流迅急冲沙隨水而下淺淤不可行舟

崇禎十五年河決開封漂沒人民無算水由陳穎東出

孫承澤河紀云開封城南高北下所患在河北荆隆口一帶旧常潰決河南重堤宋人所築號之曰金堤取用許州之土堅如鉄石是年之決原出人為非因河勢今河雖南流泛濫

各縣未有渠道治之或不甚難河臣周堪廣治之逾月而塞汴城之決雖本氣數亦由人事蓋官軍與流賊交鑿以相灌注而河遂因之大決直趨赴城一夕灌壞河水仍繞城南下分數道或入泗或入濁河汎濫淋漓漫為東南患時軍興旁午也暇治也

國朝

世祖章皇帝順治二年河決考城流通口

順治七年河決封邱荆隆口

順治九年河決封邱大王廟又決邳州

順治十四年河決祥符槐疙瘡

順治十五年河決山陽柴溝姚家蕩

順治十七年河決虞城羅家口

聖祖仁皇帝康熙元年河決曹縣石香爐又決武陟大村又冲

中年黃練集

康熙四年河決安東茆良口

康熙七年河決桃源黃家嘴始作深水壩于歸仁堤

康熙九年河決曹縣又決洪澤湖高家堰武家墩及清水潭

康熙十年河決桃源陳家樓又決七里溝

康熙十一年河決清水潭

康熙十二年河決桃源新庄口又決洪澤高良澗又決清水潭
康熙十四年河決徐州潘家塘宿遷蔡家樓入決江都邵伯湖
康熙十五年河決宿遷白洋河于家岡又決清河張家庄王家
營及下河七州縣

康熙十六年河決清河北迄海州安東諸處南迄下河七州縣
遣河臣靳輔治之河復故道

輔之治河也以漢賈讓多開水門分殺河勢之策為非謂黃
河所經卑即淤高難開水門數年之後水門淤在泥沙中水

從何放其策一以因勢利導為主疏下流塞決口築堤束水
蓋宗明臣潘季馴之說而交通之者也任河事十餘年而河
果大治

康熙十八年河決山陽之戚家橋

康熙二十年清口淤河決高家堰灌下河七州縣

康熙二十一年河決宿遷徐家灣又決蕭家渡河水迺迤海州
沐陽等處橫流入海

康熙二十六年開漕運新河

明時開駱馬浚漕道之行于河者尚二百餘里至是開新河

由清河縣出口向北行直抵駱馬湖河口竟不經由桃宿一帶黃河之險而絕河而通僅七里云

康熙三十五年河決